

09 MAR 1998

DR MAHATHIR BERLEPAS KE YANGON UNTUK LAWATAN DUA HARI

KUALA LUMPUR, 9 Mac (Bernama) -- Perdana Menteri Datuk Seri Dr Mahathir Mohamad hari ini berlepas ke Yangon untuk melakukan lawatan dua hari ke Myanmar.

Dr Mahathir diiringi oleh isterinya Datin Seri Dr Siti Hasmah Mohd Ali.

Antara yang berada di Lapangan Terbang Sultan Abdul Aziz Shah untuk mengucapkan selamat jalan ialah Timbalan Perdana Menteri Datuk Seri Anwar Ibrahim, Menteri Luar Datuk Seri Abdullah Ahmad Badawi, Menteri Perdagangan Dalam Negeri dan Hal Ehwal Pengguna Datuk Seri Megat Junid Megat Ayob dan Timbalan Menteri Dalam Negeri Datuk Tajol Rosli Ghazali.

Lawatan Dr Mahathir itu merupakan sebahagian daripada usaha berterusan Malaysia untuk mempertingkatkan hubungan dua hala dengan negara-negara jiran dan membantu memperkukuhkan lagi perpaduan Asean.

Ia adalah lawatan pertama Perdana Menteri ke Yangon sejak Myanmar diterima menjadi anggota ASEAN pada Julai tahun lepas. -- BERNAMA

AH PR